

# LIGA GALEGA DE NATACIÓN BENXAMÍN

Tempada 2016-2017. Circular 16-11.

## 1.- Organización, datas e sedes

1.1.- A liga galega categoría Benxamín celebrarase en seis xornadas de carácter local. Os clubs que para algunha xornada desexen cambiar de grupo, deberán solicitalo a través dos Delegados federativos, e será aceptado, sempre e cando non se exceda a duración máxima establecida de dúas horas e media para cada sesión.

1.2.- Cada xornada levarase a cabo nunha sesión, que comezará ás 11.00 se é matinal e ás 17:00 se se celebra pola tarde.

1.3.- Polo menos unha hora e media antes do inicio de cada sesión, a piscina deberá estar a disposición dos nadadores para efectuar o quecemento.

1.4.- As datas serán as que figuran no calendario de natación para a presente tempada.

1.5.- As sedes para as xornadas locais serán designadas pola FEGAN de acordo cos clubs e delegados federativos.

1.6.- A competición celebrarase en piscinas de 25 ou 50 metros.

## 2.- Programa de probas

1ª Xornada	2ª Xornada
100 Libre Mas 05	100 Costas Mas 05
100 Libre Fem 06	100 Costas Fem 06
50 Libre Mas 06/07	50 Costas Mas 06/07
50 Libre Fem 07	50 Costas Fem 07
50 Braza Mas 05	50 Bolboreta Masc 05
50 Braza Fem 06	50 Bolboreta Fem 06
4x50 Libre Mas 05/06/07	6x50 Costas Mixto 05/06/07
4x50 Libre Fem 06/07	
3ª Xornada	4ª Xornada
100 Bolboreta/Costas Mas 05	100 Costas/Braza Mas 05
100 Bolboreta/Costas Fem 06	100 Costas/Braza Fem 06
100 Libre Mas 06/07	50 Costas/Braza Mas 06/07
100 Libre Fem 07	50 Costas/Braza Fem 07
50 Costas Mas 05	50 Libre Mas 05
50 Costas Fem 06	50 Libre Fem 06
50 Bolboreta/Costas Masc 06/07	50 Braza/Crol Masc 06/07
50 Bolboreta/Costas Fem 07	50 Braza/Crol Fem 07
6x50 Braza Mixto 05/06/07	8x50 Libre Mixto 05/06/07

5ª Xornada	6ª Xornada
200 Estilos Mas 05	400 Libre Mas 05
200 Estilos Fem 06	400 Libre Fem 06
100 Estilos Mas 06/07	200 Libre Mas 06/07
100 Estilos Fem 07	200 Libre Fem 07
100 Libre Mas 05	100 Estilos Mas 05
100 Libre Fem 06	100 Estilos Fem 06
50 Braza 06/07	50 Bolboreta Mas 06/07
50 Braza 07	50 Bolboreta Fem 06
6x50 Esp/Bra/Crol Mixto 05/06/07	8x50 Estilos Mixto 05/06/07

2.1.- Establécese un descanso de 5 minutos antes das probas de remudas.

### 3.- Participación

3.1.- O presente regulamento está destinado ás seguintes categorías:

- Masculino: nados 2005-2006-2007
- Feminino: nadas 2006-2007

3.2.- Cada nadador poderá participar en dúas probas individuais como máximo en cada xornada.

3.3.- Nas probas de 400 libre o número máximo de nadadores por club será de 5 por proba

3.4.- Cada clube poderá inscribir o número de nadadores que desexe en cada proba.

3.5.- Cada clube poderá presentar os equipos de remudas que desexe en cada xornada.

### 4.- Inscripcións

4.1.- Realizaranse a través de SDP e a acta de preinscripción que o propio programa xera en formato PDF será remitida á Federación por correo electrónico (inscripciones@fegan.org). Xunto co devandito arquivo remitirase, no mesmo correo, o comprobante do pago da inscrición.

4.2.- As inscricións deberán acharse en poder da FEGAN antes das 20:00 horas do martes anterior á celebración da xornada correspondente, sendo responsabilidade do clube que realiza a inscrición asegurarse da súa recepción.

### 5.- Fórmula de competición

5.1.- Todas as probas serán disputadas contra o reloxo.

5.2.- A puntuación realizarase na sede da FEGAN, a partir da clasificación xeral da liga.

5.3.- A puntuación nas probas individuais será segundo puntos da táboa FINA.

5.3. bis - A puntuación nas probas individuais que non figuren na táboa FINA será:

- 50 Bolboreta/Costas puntuarase como a proba de 50 Bolboreta.
- 50 Costas/Braza puntuarase como a proba de 50 Costas.
- 50 Braza/Crol puntuarase como a proba de 50 Braza.
- 100 Bolboreta/Costas puntuarase como a proba de 100 Bolboreta.
- 100 Costas/Braza puntuarase como a proba 100 Costas.

5.4.- A puntuación nas probas de remudas será: 203, 200, 198, 197.....

5.5.- No suposto de que un clube teña clasificados máis de catro nadadores na mesma proba, só puntuarán os catro primeiros. Os clasificados despois non serán puntuados. Do mesmo xeito, nas probas de remudas terase en conta para os efectos de puntuación, dous equipos por clube, corréndose o dereito a puntuación á seguinte na clasificación que non sexa dese mesmo clube.

5.6.- Nas probas de remudas 6x50 costas, todos os nadadores sairán desde dentro da auga.

Nas proba de 6x50 costas-braza-crol e 8x50 estilos mixto, os dous nadadores de costas sairán desde dentro da auga e deberán nadar de xeito alternativo un nadador en categoría masculina e unha nadadora en categoría feminina ou viceversa, en cada estilo e/ou distancia de competición.

5.8.- As probas de remudas mixtas estarán compostas polo mesmo numero de nenos que de nenas ( 3+3 ou 4+4).

## 6.- Resultados e clasificacións

6.1.- Tanto os resultados unificados (de todas as sedes) como as clasificacións serán realizados na FEGAN, para o cal os clubes organizadores deberán remitir os resultados de cada sede á FEGAN o máis axiña posible, como máximo deberán estar na federación o martes seguinte á celebración da competición.

6.2.- Os resultados de cada sede remitiranse á FEGAN a traveso do correo electrónico resultados@fegan.org e tamén ao correspondente correo electrónico de cada un dos clubes participantes.

6.3.- Realizaranse as seguintes clasificacións:

- a) Clasificación masculina. Total puntos acadados en probas individuais e remudas masculinas.
- b) Clasificación feminina. Total puntos acadados en probas individuais e remudas femininas.
- c) Clasificación total. Total puntos da suma da clasificación masculina, feminina e máis os puntos das probas mixtas (se existir).

## 7.- Títulos e premios

7.1.- Entregarase un trofeo ao clube que acade a maior puntuación, atendendo á alínea c) do punto 6.3 sendo proclamado Campión da Liga Galega de Natación Benxamín.

## 8.- Reclamacións

Nas competicións de natación de carácter territorial pero con varias sedes, a Comisión de Competición estará formada por:

- a) O Secretario Xeral da FEGAN.
- b) Un representante dos Clubes participantes, elixido por sorteo.
- c) Un representante dos adestradores, elixido por sorteo de entre os pertencentes aos clubes participantes.
- d) O Xuíz Árbitro da Competición.
- e) Unha persoa designada pola FEGAN que non coincida coas anteriores.

O sorteo dos compoñentes desta Comisión de Competición, celebrarase ao inicio da tempada, en data e hora que será anunciada con antelación, na sede da FEGAN, e antes do comezo das competicións.

A reclamación presentarase, como máximo, ata 48 horas despois de resolta a reclamación previa presentada ao xuíz da competición.

A reclamación resolverase, por parte da Comisión de Competición, como máximo 48 horas despois de ter

coñecemento dela.

## RECLAMACIÓN DE RESULTADOS

Calquera reclamación contra os resultados non se poderá levar a cabo logo de pasadas 48 horas dende a súa publicación definitiva.

A Coruña, 22 de xullo de 2016

Secretaría Xeral FEGAN